

幼科鉄鏡

44

942.

中區

10

088



幼科鐵鏡卷之四

貴池卓溪叟夏鼎禹鑄氏手著

受業弟邑庠鐸禹懸

男邑庠之日孟然
郡庠之雲飛霖

麻證

夏禹鑄曰痘出於臟麻出於腑麻乃大腸主之毒氣蒸肺故發咳嗽先輩書未嘗齒及麻證蓋以其輕而忽之也卻不知表證雖輕毒侵肺腑亦多與鬼爲鄰予經歷甚眾費手居多因不惜筆力詳著於篇以杜嬰兒麻證之患流行麻證其候癰熱必發咳嗽聲必稍啞面皮微有腫樣兩顙顏色微紅此吉



兆也如出發不快及不透發或紅點見面偶挾風邪而隱或
醫人不知誤除燒熱隱而不見腹內作痛治之神莫神於天
保采薇湯聖莫聖於天保采薇湯只須一服卽發出或有不
盡發者再加一服從末有不效者如肺臟先虛又加大腸毒
氣攻肺面皮像澆薄的式子慘白浮上光光溜溜便是肺氣
已絕在精威二穴對拿其聲不出必是死證藥之無濟

有麻方見點隨卽收入或瀉青水審非風寒爲害唇色慘白口
氣微微此乃內虛不能送毒不可分利止瀉惟用八珍湯六
九以託之外用葱半斤許白酒煎遍身擦之如再不透發只

額上稍見些微惟用六君子湯九循循調治自愈

有麻初發熱時心火盛極刑剋肺金致麻不出必先用黃芩
通等分服之再用防風荆芥葛根升麻南星枳殼赤芍
柴胡桔梗甘草煎服之即發

有痢疾兼麻證若麻見點急用香菇桔梗枳殼黃連厚樸木通
升麻赤芍車前煎服麻瘡透發再治痢疾此乘輕從重之說
不可不知

麻後痢疾

本邑陶二公泮玉之子麻證發熱方兩日醫人誤爲除熱麻
伏不出形狀似驚差役請予治面色花雜喘急不嗽必有內



毒於太陽穴以口涎擦之皮內隱有紅點知是麻毒內攻無
燒不出用天保采薇湯倍加升麻乾葛一服額上見點
紅起面色唇口慘淡無澤知爲內虛卽用固真湯一服
發熱陶公驚怖予曰麻非帶熱不出仍服天保采薇湯一刻
通體透發愈此見面色花雜便知內毒之一驗也

培繼樓同學庠友方恆綏一子麻證隱而不出形證甚凶邀
予治見其面色慘白口氣微冷唇舌淡白大便泄瀉卽用八
珍湯一服額稍見點恆綏因姪前麻證殞於泄瀉力迫止瀉
予曰分利更虛不允見口吻間覺以瀉關性命勉強用五苓

散果止而額上紅點卽隱又用十全大補湯內托外用葱酒
蒸引卒不透發予值事往郡躡後札示皮上每發一泡破卽
成黑窟附他醫攻毒方單予札復曰肌肉脾屬破卽成瘡乃
脾虛之極何可攻毒惟用六君子湯顧脾爲主果效此望色
審竅萬無一失分利虛脾卽此可見之一驗也

思誠堂同學友措大方薪衍第五郎患麻證初醫者不知麻
候用六一散以除燒熱邀予過治見其舌純紫兩脣燥裂大
小二便皆秘聲鼾不已卽用黃連八分木通黃柏各一錢服
下大便刮白如冷痢然在座者口吻覺爲涼劑所致予亦踴

踏滿志豈臟腑苗竅此證獨不相符毫不首鼠問前醫退
所用何劑薪衍曰六一散予便恍覺下元爲六一寒所凝
致火不降灼無疑矣隨以炒鹽久熨臍下仍用前味黃連倍
加服之方下大便燥結與黑棗無異可見苗竅辨真治定不
爽之一驗也

一辨傷寒

附寒極似熱

小兒之十指俱冷以三指按額俱熱身壯熱面赤而淡不動必
掣此傷寒之證也表散法開天門分陰陽推三關體厚則大
發其汗揉太陽并外勞宮運八卦推艮入坎證輕推之自愈

重則用元宵火定之體弱隨發汗隨止女反是治用芎蘇飲
六十服之

有寒極似熱者面色紅如水紅桃花口渴而唇不乾燥舌不紅
紫大便青色小便青長此寒極也似熱者因面有紅色口有
渴形故也治之與前法同

如口作渴大便秘小便赤是內有熱而外傷寒也宜先表外而
後清裏爲主表用芎蘇飲六十裏用白茯苓半夏陳皮連翹木
通枳殼甘草煎服

本郡田三公祖之公孫方二歲抱風寒燒熱證郡醫見燒有



驚悸便作驚證治數日不愈予以三指按額俱熱兒十指俱冷用芎蘇飲一劑留飲席未解內小童報曰小相公熱退矣此燒有表裏不可不辨之一驗也

予於癸丑科會試盛京有鑾儀衛正堂許公乃孫方歲患傷寒證初延太醫院幼科失表後于朝房內予同里員外郎陳是庵道及於予即日來貴池館親邀往治但見身冷如冰痕毛差差面色慘晦不知人事知寒邪內伏用天保采薇湯一劑囑曰夜發熱則明日來治不則莫可如何矣夜果發熱仍用前湯一劑熱又解許曰發熱退熱藥同效異真出奇



也予曰尋常證在表感一劑便解如令公孫邪被藥誤伏內
昨一劑攻邪邪到肌表表見邪自是作熱仍以原方加透
劑表解熱除無甚奇也許曰前是庵備道年翁乃幼科
今若此洵名下無虛矣以百金壽予辭曰晚兩代治救嬰兒
從不受謝一文再四面壁更欲延請入太醫院又辭曰老母
在堂晚在都門白雲頻望承盛意心領之可矣許乃止此
關門殺賊之一徵也

方伯張存儒初生有公郎抱驚風患初郡中醫作夾食用消
導劑證加甚後予用半夏四錢生薑一錢防風二錢一服卽



愈遂拜予爲假父此藥用當而通神之一驗也

予邑張中尊嫜患病邑中醫曾治十餘日不愈會余到邑中尊得聞按余治婢方抱出離座五六步外望見面上光澤浮毫無寶色余曰不須抱近請問中尊問證若何余曰肺氣已絕不可治矣明日果死此望色而知爲死證之驗也

一辨夾食傷寒

小兒十指俱熱我按兒額三指俱冷其候身熱或吐或瀉或不吐瀉口必惡食腹必浮脹拍如鼓聲或作痛是也推法開天門分陰陽男女同男重揉太陽發汗體弱揉太陰止之女反

是推上三關三十退腑六七下運八卦重揉艮宮於大指面
旋推補脾曲兒小指重揉外勞於第二指大腸位側推刺虎
口以止瀉不瀉不推重按掐中指一節以止吐不吐不揉於
左腳湧泉穴左轉揉之止吐不瀉不揉少頃右轉揉之止吐
不吐不揉文則右轉右揉止瀉左轉左揉止吐推畢卽用燈
火臍輪四焦胸口一焦用水酒麴一枚火煨黃色研末白湯
送下卽愈重則用消導二陳湯十九加柴胡紫蘇等味煎服
珩山孝廉方韻皇乃孫發吐燒熱微掣吐輕熱重余子堦方
平堦初業斯道投天保采薇湯一劑不效邀予一見知爲內

傷飲食外挾風邪用藿香正氣散一服卽愈余以湯名曰天
保采薇取其治外治內之意用之不當雖多奚爲在予
爲證屬內傷外感湯屬內外並治渠見不爲非是然不
似社鼠城狐重鎮何可輕發此學者之所宜知而宜慎也

一辨腹痛

腹痛臍以上屬火臍以下屬寒其因不一有寒痛熱痛傷食痛
積滯痛氣不和而痛脾虛而痛肝木乘脾而痛蛔動而痛數
種寒痛則面白口氣冷大便青色小便清利痛之來也遷緩
而不速疾綿綿不已痛時以熱手按之其痛稍止肚皮冰冷

是也推法曲兒小指重揉外勞宮推上三關揉臍五十藥用
乾薑肉桂等分煎熟加木香磨水入服之自愈

熱痛則面赤口氣熱口渴唇紅大便秘小便赤時痛時止
迅厲腹形如常不腫不飽彈之不響以熱手按之其痛愈甚
吐皮滾熱此真熱也推用下六腑水底撈月蓋熱痛主心脾
兩熱用燈心車前伏龍肝加木香磨水稍許入服

傷食痛者必惡食眼胞必浮腫或瀉下酸臭腹必飽脹彈如鼓
聲或身作熱是也如氣不旺者不宜取瀉只用消導二陳湯

干九

積滯痛者今日傷明日傷逐日傷之而滯于脾胃間不以飲食
得其傷不痛既有滯而後以乳食傷礙故痛也面色黃
醜大便醜臭便後痛減足冷嗜臥不思飲食是也治宜
檳榔木香下之下後卽以小異功散十六補之

氣不和而痛者兒下地後或地多濕兒臍受風以裹肚束臍過
緊不知兒體漸長束帶未鬆則上氣不通下氣以故內氣不
和故作痛也審其非寒非熱問其母而臍果有束縛之弊則
氣不和而痛必矣治以木香磨水服之隨用燈火臍輪六焦
臍下氣海一焦心口窩一焦其痛卽止大兒之氣不和者基

候眼胞不腫面色不黃飲食如故腹腫擊如鼓聲搖其頭而
噁氣是也宜用木香陳皮枳殼甘草服之

脾虛痛者其候面無血氣微黃帶微白大便少而色白治
脾開胃爲主用六君子湯九加橘皮

肝木乘脾痛者肝木剋脾脾虛不勝其剋則肝氣無所洩故乘
脾之衰而作痛也其候唇白口中色淡面多青色痛則腹連
兩脇重按其腹則痛止起手又痛是也治用四君子湯三十
加柴胡白芍

蛔痛者腰曲撲身口流青涎痛久不歇少頃又痛或一時或二

金匱
卷四
蛔痛

時而止或歇半日又痛面黃唇白此蛔痛也治用史君子去
穀火煨吃十餘粒少頃又吃卽止以上嬰兒腹痛口不能
何以知之蓋兒痛必哭無故而哭者痛也哭聲雄慘而
蹙皺是也如使君子食之不止莫妙於苦練子樹根皮約
二兩許水煎一茶鍾吃下蟲卽盡出但體弱者不可輕用

又有一種奇痛一痛只大叫幾聲痛痛痛卽抱胸暈死予家
一婢犯此證先君在日子見將婢面撲地用冷水一盆以婢
膝着水上於委中穴澆水狠拍粗筋腫起用銀針傍飭打入
二鍼鍼出血流叫一聲痛卽甦隨用冷水滾水各半連吃一